



補陀洛伽山志貞



補陀洛伽山志卷六

藝文

詩

贈普陀僧

半偈頭陀王穉登

字百谷
蘓州人

赤山步頭霜樹紅清波門外水浮空高僧

說法魚龍聽盡在蓮舟一葉中

謁補陀洛伽山

盧純學

字子明廣陵山人

方舟遵於越孤帆逆昌國朝躡洛伽山巉
 岩自登陟樓觀碧玉塗宮殿黃金飾朱草
 雜瑤華人世未曾識古木三千年不知何
 代植仙禽清夜鳴山精白晝匿玲瓏霧鷲
 峰岩堯入雲直白衣現法身員通示妙德
 潮聲日夜鳴密音開萬億龍女與善財摩
 尼得十力中有石竅明幽深杳難測半夜

登盤陀遙覩扶桑色上見海日紅不見海
 水黑天地忽變幻萬狀不可極靈境多神
 闕一朝我所得素心願皈依千秋托棲息
 潮音洞

前人

大海霧山出龍宮豈易尋萬年垂妙相孤
 洞啓潮音天削峯成玉沙鋪地是金泠泠
 俱作梵蚤已滌凡心

龍女洞

前人

迥然人代隔
霧洞幾峯開
聽法來龍女
參禪識善財
金銀成世界
烟霧積樓臺
試看懸岩裡
猶存上古苔

送僧朝普陀

前人

金繩遙引一
颿開海浪懸
知定有杯寶地

珠林無歲月
貝城銀闕接
蓬萊清霄雲
葉縈香案白
晝天花下石
臺上乘吾師
心已悟到峯
親得見如來

禮洛伽山三首

沈明臣

字嘉則號句章山人

三神山遠不能尋
惟有洛伽名古今
萬里扶桑開四照
九天霧靄削孤岑
一枝鸚武多饒舌
遍海蓮花不染心
謁罷潮音靈洞

口飯依願發晚濤深

其二

甬水東頭東復東諸天覺路法津通微茫
四大安何處浩蕩三千只芥中龍海波濤
香象出貝宮日月寶輪空山河大地元無
有來去惟憑一棹風

其三

弟子來叅小乘禪緣知苦海故無邊大空

幻世恒河外積水高天寶界前龍氣春來
生法兩夜光寒透結青蓮寂先一葦開東
土更問何方極樂天

遊普陀及盤陀石二首

陶恭字肅之號直峯王
府教授翁州人

東瀛勝地洛伽山山在洪濤萬里間路險
誰能航海到蓮開曾見化兵還潮回洞口
雷秋怒日湧波心火夜殷安得天風吹我

便龍舟穩駕一齊攀

其二

海上懸崖百尺強登臨只尺是扶桑五更
玄幕天垂暝萬頃金波日耀光東極古來
稱偉觀中華此去接窮荒平生聞說何曾
到唵罷浮溟興轉長

遊普陀

艾升

號虎山原任參將定海人

一葉慈航泛海鳧半空烟雨話中無風生
洞口潮聲急月到天心塔影孤佛閣蕭條
遺盡棟禪堂寂寞漫青蕪如來尚有霧光
在時見螭龍飲鉢盂

程時望

太學生新安人

為憐淨海妙蓮華幾度相從泛遠槎龍象
應窺曾到客法臺重雨舊時花無邊慧日
懸祇樹不盡慈雲接洛伽更見寶光金色

麗令人滌慮問三車

俞迎易

朝乘一葦泛蓮花
覽勝重登小白華
石壁苔封迷古剎
竹林山靜有頻迦
雲中野鶴來瀛海
洞口閑僧採蕨芽
尋得梅僊丹竈在
白雲深處好餐霞

莊紹

白下鋤瓜二十年
轉從覺海渡迷川
乘槎

直抵三韓國
結社來叅四大天
紫竹蕭蕭空色相
青蓮朶朶現靄詮
邇來頗解無生訣
擬向空門學老禪

寶陀禪寺

陳至孝

字若魯 號五松 別號憨齋 華亭人

春風渡海叩禪林
大士精廬歲月深
僧舍不聞關竹院
道場惟說在梅岑
何人更識三摩地
舉世誰空四諦心
我亦有緣能到

此可無解悟去來今

潮音洞

前人

東風吹溟渤萬里盡洪濤
洞口乾坤闢潮聲日夜號
本非人世界應是佛甄陶
我已窺靈境何嫌涉海勞

海潮庵晤大智禪師

前人

海嶠真孤絕潮音即梵音
坐來知彼岸入定見禪心
僧到五臺遠沙迴千步
深滄溟渺無際一望豁塵襟

補陀雜咏八首

前人

梅岑山

挂冠避莽似逃秦海上相傳梅子真心在
烟霞身在世吳門誰識煉丹人

寶陀寺

大士霧岳小白華春來啼鳥是頻迦曼陀
花雨知何日我欲修行學出家

潮音洞

潮音洞口聲如雷絕壁危崖恍欲摧聞說
神霧多示異願祈妙相覩如來

善財洞

梵童根淨本無塵識得觀音自在身二

八叅方到此至今洞口石嶙峋

千步沙

千步沙堤路未遙穿雲時復度山椒何人
解得炊沙理來坐庵前聽海潮

海潮庵

蘭奢老衲構精廬樓對滄溟大士居忽聽
潮聲來座右禪心了悟識真如

盤陀石

聞道盤陀石可登到來恍若聽迦陵茫茫
塵海誰知岸何日尋師講大乘

三摩地

奇峰恠石亂嵯峨霧境天成永不磨一自
慈悲從入後相傳此地即三摩

留別大智禪師

前人

遠公禪行夙曾聞絕壑探奇始識君試問

可能容我飲還應入社挹清芬

補陀洛伽山八首

屠隆 字長卿

蘭若孤懸大海中山根四面插蛟宮浪推
旭日排天出風靜涼蟾照影空異鳥聲和
仙樂細霧鬣背閃佛燈紅神州別有三摩
地况與蓬萊只尺通

其二

不斷潮音響石淙蒼厓陡絕杖孤筇天浮
島嶼雲帆亂殿壓鼉鼉雪浪春曾共鳥窠
叅了義還依龍藏討玄宗日斜空水澄如
鏡微有冷風送暮鐘

其三

獨上盤陀四望寬青螺一帶抹烟巒樓沾
蜃氣全疑濕潮落沙痕半未殘波面紅蓮
開十丈岳前紫竹長干竿竭來頓悟圓通

理手挈銅瓶汲巨湍

其四

不因禮佛到翁洲那識乾坤屬一漚欲就
此中超幻劫更從何處覓閻浮雲光佛日
三千界海色仙人十二樓幢蓋蕭蕭金磬
冷碧山黃葉寺門秋

其五

翡翠臺吞島樹冥珊瑚簾控海峰青香船

暮客帆投浦寶塔霜鐘月在瓶
聖主紫泥封賜詔內官黃帕捧函經
人非人等俱聽法夜半龍來殿不腥

三千其六

扶桑日出曉蒼茫
森行空一葦航
誰劈銀濤開寶界
直扶鼇柱駕金梁
僧歸水府袈娑濕
女散天花佛座香
悟得無邊先及岸
了知東土是西方

其七

何來鷲嶺削千尋
大士端居紫竹林
日月高窓懸石扇
烟霞古洞響潮音
五雲瓔珞莊嚴妙
七寶琉璃般若深
菩薩泉名功德水
但教一洗盡凡心

其八

凍巢時有鶴來歸
舟楫雖多雞犬稀
絳月夜侵龍女襪
碧雲秋冷梵僧衣
祇因海浪

無天遠轉覺香臺與世違塵土劫灰都不
到蓮花開落是禪機

寶陀禪寺禮大士作二首

前人

瀛壖浩亡極滴宕簌垝北霧岳邈孤懸際
斷神境別海罅渴蛟飲磴道凍虹折白日
浸曾波晴空翳膠腸剎邨雲島戲儵忽烟
鳧滅山足落潮痕沙明浩如雪兜羅散銀

界七寶嵌金闕寺影倒空水永與喧囂絕
龍來殿門腥夜冷霜鐘咽大士坐香臺青
蓮暎紺髮瑠窓繞琅玕函經護松栢天花
雨繽紛高僧時說法有去即有住無解亦
無結福慧不唐捐能所俱了徹西教自東
流津梁此娑竭何必迦毗羅然後得寶筏
余今討空宗萬念惣抹撥願聞微妙言庶
啓廣長舌

其二

巍巍法王子天人所師尚菩薩乃應權佛
果證無上遠從身毒國大法來龍象孤高
託屢屨浩蕩乘溟漲詎應愛空濶無乃愍
流浪人生墮苦海神識昏漭漾哀哉萬劫
中業趣日醞釀輪轉何繇超泥犁深萬丈
慈氏興大悲弘誓度群妄微言深奧衍妙
義蔚遐暘不廢耳日用而忘耳目相世立

乃以觀觀徹理無障三千大千槩鼓
雷既蟻蟻音伊嚶洪鐘響嘹唳尋聲探苦
難茲理實非誑周徧沙界中咸令滿所望
無情亦知歸有識邴不向如來滅度久疇
為發寶藏緇經悟真諦我願如玄奘
補陀十二景

前人

梅灣春曉

梅尉丹爐火不溫
踈枝淡月島烟昏
只愁海叟吹龍
遂擲落羅浮萬樹魂

茶山夙霧

龍宮蛟室霧烟
熅幾樹珊瑚認未真
雪裏頽霞高十丈
紅綃恐是獻珠人

古洞潮音

海濤飛雪復春雲
寶殿踈鐘入夜分
潮自砵錡僧自定
悟來原不是聲聞

龜潭寒碧

清江使者夢冥冥
五兆空嗟朽甲靈
豈是來遊蓮葉上
水天涼冷月痕青

天門清梵

野衲齊緇貝葉書
磬聲遙度暮沙虛
神龍聽法妖蛟舞
親見如來金臂舒

盤陀曉日

黃烟黑霧罩潺湲
忽破天昏海色殷
誰駕

火輪推雪浪赤光如矢射千山

千步金沙

黃如金屑軟如苔曾步空王寶襪來九品
池中鋪作地祇疑赤腳踏蓮臺

蓮洋午渡

波上芙蓉盡著花香船蕩槳渡輕沙珠林
只在琉璃界半壁紅光見海霞

香爐翠靄

博山突兀海孤懸日對軍持大士前不用
梅檀燃佛火曉來嵐氣自生烟

鉢盂清灑

應器東行大衆從遍施香飯說禪宗更看
一酌滄溟竭此物由來制毒龍

洛伽燈火

熒熒一點照迷津光奪須彌日月輪萬劫
靈明應不滅五燈傳後與何人

靜室茶烟

蕭蕭古寺白烟生
童子烹茶煮石鐺
門外不知飄急雪
海天低與凍雲平

遊補陀

吳禮嘉 號瀛海 庚辰進士

萬里蒼茫一寺門
慧光千丈擁朝暎
孤懸寶相空塵劫
不斷潮聲到竹根
風靜霧旂鯨海晏
月籠祇樹蜃樓吞
登臺長嘯烟雲

裏掃却九魔道自存

補陀詩

龍膺 字君善 庚辰進士 武陵人

洞口曇花夜不昏
多羅舍利萬年存
魚龍跋浪連林屋
鐘磬和雲出灌門
色界豈知天下大
香臺惟見世中尊
更憐末灑誰梁棟
為有生公石可論

贈南海真上人

句吳空空子成淳和南
禪師悟真如渡海一瞬息
縣知得神通念
彼觀音力

潮音洞

陳王賓

字應徵

層巒迴曲徑石竅瞰長虹
大士棲霞所神
僊煉石宮水梳瑤草滑
風掃白雲空晤入
三摩地瀟然興味同

補陀洛伽山二首

遇齋李生時

太僕寺主簿

乘興閒來到上方清池盥手一焚香
霏微雨拂僧堂暝蕭颯風生佛殿涼
岩洞古藤懸舊衲石林落葉覆空廊
徧看龍象經行地草色萋萋秋更長

其二

蘭若遙臨碧海濤相傳大士是觀音
青蓮

婀娜澄波淨靈鷲飛鳥嶼深入院雲光
浮色相捲簾月影照禪心何當勝地從招
隱却解朝簪訪道林

洛伽山

鄞人張邦侗字孺愿

海上神洲一刹奇珠宮紺殿五雲披
溟林祇樹三千界絕岸潮聲十二時
月白滄溟鼉鼓振風迴大聲梵鍾遲
波濤浩渺諸天

淨幾見游龍觀法師

鄞人張子聞字君異

海上名山屬化城孤峰翠嶺傍東瀛
烟霞萬疊琳宮麗日月雙持寶鏡行
香繞梅檀花散漫塵銷幻劫象空明
諸天只尺潮聲裡願逐慈航幾度迎

擬補陀洛伽山三首

李德進

磐陀飛壓浪中天大士禪林億萬年化境
自然開佛國春帆都是貢香船石壇瑤草
光風沐海屋扶桑慧日懸析取一葦臻彼
岸白衣臺下看紅蓮

其二

靈峯曲上學羊腸絕頂珠宮照十方水府
僊游疑太古雲房僧夏有餘涼淨翦柳駐
千春色法座蓮生四海香嶽瀆累嶺嶺

遍幾時杯渡禮空王

其三

秋風秋浪淼無邊時有飛濤濺法筵鮫睫
懸簾如供佛魚精列炬若迎僊霜鍾散落
千峰月雲衲依棲萬里船欲覓伽陵歌舞
處滿山黃葉鎖寒烟

卧遊補陀

陳至友

字若閔號五雲華亭人

聞說東瀛海名山佛道場菩提開覺路娑
竭作津梁紫竹依林密金沙徧地黃臥遊
吾已適彷彿望扶桑

寄贈大智禪師和家兄韻

前人

虎溪三笑後若個是知音精舍思禪悅幽
居慕道心神交寃夢近目斷海雲深何日
投蓮社冷然洗俗襟

遊普陀

陳王道 字應達太學生定海人

天盡重開歡喜國片帆直抵海之涯岡連
島嶼鼉鼉伏地極波濤日月危蜃氣四時
吞殿角龍光終夜閃旌旗島夷亂後叢林
在會見梯航入貢時

補陀洛伽山二首

董大晟 字揚明邑諸生

震旦滄淵湧洛伽大螺吹徹演三車龍宮
灼爍珊瑚樹象教繽紛小白花空外坐來
隨世界幻中邨處是天涯潮音還往何終
極覺海應知轉法華

其二

滄溟無際望中舒寶月孤輪匝太虛坐聽
鼉更通法鼓從看龍女舞霧昏盤陀石上
三生偈優鉢羅花四照餘到此不知何彼

岸經聲天語自如如

登普陀禪寺二首

李嘉字之文邑諸生

憑虛聊騁望面面秋蘆秋坐據三生石心
隨萬里流鼉鼉爭出沒日月自沉浮向夕
烟氛斂珠光似可求

其二

法界元無着茫茫空水雲鐘聲潮外住佛

相鏡中分經為魚龍說人將鶴鶴群慈航
如可借不厭往來動

張邦岱

字孺宗太學生

法界何從覓招提別有方群峰依日小
水入雲長蹟以蓮花著林將竹葉藏何時
登彼岸側想在慈航

洛伽山

葉舜臣

字虞叔山人

駟石連鰲事有不蒼茫天地惣輕漚乘潮
夜覺星河覆破浪昔驚日月流百谷龍蛇
歸大壑空王香火屬孤洲邀僧施食龍窺
鉢拄杖看雲蜃結樓老蚌戲珠宵出浪文
鮑吹霧晝迷舟倘通異域應無數只尺神
山若可游坐想飛仙乘蹻去行逢老衲借
杯浮如來若許親摩頂願得誅茅寂上頭

張庚星

字孟辛郡諸生

貝闕遙連兜率天
金沙遠映翠螺烟
飯心龍子駟香象
聽法瑤姬踏寶蓮
浩淼洪濤春萬里
么膺世界失三千
回頭苦海尋慈
海舍筏先登了夙緣

又

前人

古刹孤懸巨海洋
鼉鼉底柱駕虹梁
梅仙羽化遺丹竈
大士蓮開啓道場
紫竹金沙

清淨土白衣縞帶水雲鄉
願從此地參真諦
長禮摩尼寶月光

洛伽山二首

屠祥 字長吉

獨有洛伽山魚龍出沒間
雲來洞口濕潮去寺門閑
日向波心出僧從海上還
無繇去城市空望水潺湲

其二

山寺稱孤絕茫茫水更圍焚香乞漁火過
櫓問僧歸沙白星光冷天清露氣微未須
遊五岳此地可忘機

屠玄 字伯英邑諸生

法本出世間山亦在海外古洞長谿訝霧
潮日澎湃高天莽不流大地復何在願結
普門庵永受菩薩戒

補陀洛伽詩二首

黃之璧 字白仲

名山羅刹海東開金作禪宮玉作臺萬點
慈雲青雀下半空法雨白龍來依微石室
窺無相彷彿珠幢見辨才誰似神僧杯可
渡摩尼自取照蓬萊

又

蒼蒼磴道控瑤岑大士遙瞻亘古今雪檻
琅函開閣淨松門燈火隔窓深鯨波澄作

蓮花藏蜃氣噓為蒼荀林燒罷香烟龍女
去天風吹送海潮音

洛伽山三首

金鶚字慧光山人

東浮灌門海遙睇大梅岑暎天黛色古拔
地孤根深昔賢此棲遯妙契鴻洞心潮水
叩霧壑灘沙輝紫金空色及非聲不雜祇
陀林湛湛楊枝露油油藥艸陰彼岸遙可

即寶筏凌千尋誰能發悲願克嗣古皇音

又

絕海孤岑號大梅浮天巨浪駭奔雷中涵
法藏紅光滿外護霧峰紫氣回洞口象王
馱寶至沙頭龍女獻珠來掩泥布髮真吾
顏慙媿前身是善財

又

須彌山頂住諸天佛掌如何現大千海影

盡舍空外色潮音不雜定中禪金沙灘上
僧歸月紫竹林中鳥破烟只辨直心飯大
道無煩寶筏度迷川

朝普陀

董光宏 字君謨諸生

東南澤國半往往饒異迹巨海峙補陀大
士下所適俯瞰天溟池懸崖九千尺當昔
現法身青蓮大如席龍神日來朝洪濤怒

噴射滅沒數點烟天盡地無折波湧山勢
搖日蒸海氣赤境內萬里舟域外三韓舶
乘潮破巨浪亂颿互相擲飯德巽異香拱
手晉名壁昨年詔使至幡幢暎岩石真如
故無言衆生自奔迫遂令瀆漭中今古長
赫奕西方有聖人東海乃其宅我今飛渡
來膜拜恍今昔摩娑蒼蘂花四望曉天白
忽憶生前事廿年此面壁

補陀作

豐應元

字吉甫

洛伽霧氣鬱巖從遠放毫光照海東妙相
衆生難得見此心何處不成空金波日出
扶桑影寶殿香飄貝葉風欲脫儒衣尋白
瀆業緣都盡入圓通

遊補陀山二首

王恒字貞仲

海國東南盡中流見補陀慈航來有岸覺
海去無波雨沐青蓮淨烟籠紫竹多不知
人世上誰得幾回過

又

獨坐盤陀石潮音洞口人色空都是幻水
月白隨身海曙諸天迥花明四照春滄波
千萬頃一一洗囂塵

寄題補陀洛伽山

沈泰來 字連升 諸生
蒼茫瀛海杳無垠 忽湧名山駐法輪 政是
佛稱孤絕處 祇疑僧住水雲津 魚龍出沒
聞清梵 花雨飛濛濛 淨俗塵 洞口至今霧
在慈悲常現去來身

又
名岳竒遊癖 不忘况因佛地是吾鄉 山浮
碧海橫 鰲柱寺壓洪波駕 蜃梁自覺法門

天不隔 應知淨土水俱香 勞勞人世多銷
歇 蚤倩雲槎到上方

又

誰挈瑤壺海上懸 參差宮殿列兜玄 直將
萬丈神龍窟 盡種千莖大士蓮 溟漲夜吞
渾失地 扶桑曉曙別生天 年來悟得聞思
訣 何日逢僧共入禪

補陀洛伽山三首

李德繼

字子同太學生

妙相遙傳現海東乘閒忽漫訪禪宮不因
飛錫同僧到誰信浮槎有路通太子塔前
千步月潮音洞口一颿風忽聽鐘磬來何
處翹首松門是大雄

又

松門水淨月溶溶獨向金沙覓舊蹤緝宇
經年光不滅白衣出世像元恭幡幢多自

中官降香火還從釋子供借問幾人傳正
印一鐙久已屬南宗

又

岩堯寶刹出驚濤泰嶽應輸五十盤幾樹
霧禽疑鸞鷲一壇瑤草勝芝蘭空明殿裡
雲光亂聞窳窳前月影寒到此即應超苦
海翻思人世有波瀾

潮音洞

僧廣慧 華嚴必芻

百代瞻依處當時曾挂虹接天
三片石拒浪一孤宮有客皆心
委無花不散空我來
沿海岸直與駕鰲同

送僧禮補陀

靈隱住山沙門竺曇

寶陀岳靜禮慈容滿袖香吹
菡萏風海市障天番霧黑地
輪推日上潮紅悟迷不必

分明暗觀照何須了色空不
涉音聞三際斷大千塵劫盡
圓通

補陀洛伽山二首

陳芳

空王宮殿水孤懸一片琉璃
捧法筵慧炬光明燃寶樹金
沙灼爍暎青蓮接來五體
歸初地悟却三身是了緣
但願翻然離火宅海山深
處得安禪

如來妙相佛光圓玉女幢幡寶蓋前千步
金沙平梵雨上方銀界裊爐烟坐來銀海
波如鏡悟入香臺月滿天古木蕭蕭禪室
冷娑羅花發映紅蓮

補陀洛伽山志卷六終

補陀洛伽山志後序

夫邑里山川之有志傳猶家
之有乘國之有史所以紀興
慶考沿革將昭往以嗣來
者也惡可少哉惟茲補陀洛

伽山菩薩現化之地為天下
三大道場之一茲自古迄今
崇奉愈盛歷茲滋遠其間
諸賢記述頌歌造、唱
之而未有為之志傳成一家言

垂之永久者勝國時康熙
明氏以西域之裔爰通祕笈
之典迺著補陀洛迦山傳分
為四品由是菩薩之功德山
川之奇勝與夫歷代祈禱

祝釐之虔應感靈瑞之異
彰較著矣然而卷帙匯小
流傳未布使天下通都大邑
道里遠曠嚮慕而不可至者
卒於神獲一展卷而卧遊焉豈

不為達官美士頂禮如來與
夫幽人逸客探竒好事者之
所嚮域哉且今之叢林自往
季倭亂之後廢而後興已非
昔日之舊其沿革又不可以

無志也余不佞承乏來浙涉歷
海洋首謁大士於補陀周覽
之餘詢之寺僧山名志乎始出
熙明所著傳則多散墨濡綫
成蠹簡矣甚望熙明至今已百
三十餘年其四品所載六大都
爾入我

明來香火益崇著述益富迄
今無有紹熙明而為之傳者
余喟然曰名山福地既不可無

載述以示于茲况今

堯舜御極

獲爰龍滿朝內安外攘南北教

寧

仰日朗曜靈既布昭正當雲燿

之辰恭遇

聖母慈聖皇太后刊印藏經而

我

皇上純孝承志

敕遣中使齋經降香來錫寶

延隆一時
寵命梅岑
茲崇而高
滄海燕
濬而溪
余既勒之
貞砥與
茲山
並峙矣
茲夫紀
載之志
則在
今日不可已也
於是謀之

海憲濟山劉公以屬之

邾大夫武陵龍公曰必儀部
屠長卿先生也任是役者尔
乃就長卿先生而請業焉
先生固作者不數時彙次成

帙以授侯生繼高而何人特焉
繼高不佞輒復申一言于末簡
夫佛氏之興始于東漢世代崇
奉邈不可紀自唐韓昌黎一
表之後在之儒者諱不言佛

至宋道學諸老尤林示抑言若
夫戎臣武士將兵禦侮則又
輒謂威克厥愛尤卽慈悲之
旨抑類以愚思之皆所謂執一
之見而非所以治于佛之大端

也夫佛之大端以慈悲為體以
化導為用其要使人趨善而
皆惡爾是故語道學者莫如
孔子子曰以不忍人之心行不忍
人之政非慈悲之謂乎孔子曰

已欲立而立人已欲達而達人非
化導之謂乎在之人誠能以佛
之慈悲為心則諸惡不從四海
之內皆為一體也以佛之化導為
念則推己及物胡越之不可

為一家也率而行之天下寧
習皆倫傷化賊物戕生之患
哉此我

皇上恭奉

聖母皇太后施涇崇佛之心也

善乎劉公之言曰通儒偉人

以吾儒之道理身宰物而以

佛氏之教攝性歸真亦何不

可哉信斯言也則亦何必崇

道學即諱言佛邪余武人

也鹿麕鄙朴學儒佛之理所不
敢知願平日身剝先生長者
之言而有味乎慈悲化導之

旨况目睹

熙朝盛典而樂觀法志之成也且

也茲歲仲春余督哨海洋舟

過補陀肅謁大士禱曰我

佛靈赫尚克相余俾我師

貞吉少效尺寸以上報

天子未幾倭奴竊叢叢窺我邊界

皇威丕震我皇是以有花腦浪岡
之捷謂非大士默相之功可
乎志成適有法役因并記
之以見我佛之靈亘古今而無
劫顯福

國庶民夫豈小補哉是初序
省

大明萬曆十有七年歲舍己丑
夏五既望

欽差鎮守浙江等處地方總兵

官後軍都督府都督僉事

雲間侯繼高謨



補陀洛伽山志序

昔者宰嚭問於孔子曰夫子

聖人歟對曰丘博識強記非

聖人也問三王聖人歟對曰

三五善用智勇聖非丘所知

又問五帝聖人歟對曰五帝

善用仁義聖非丘所然則
三皇聖人歟對曰三皇善用
時聖之非丘所知夫宰大駭
曰然則孰為聖人乎孔子動
容有間曰丘聞西方有大聖
人者焉不治而不亂不言而

自信不化而自行蕩乎人
無能名焉此謂佛也夫自衆
生覆於無明溺於愛水妄想
顛倒作諸惡業漸遠涅槃之
山永淪生死之海佛為興慈
運悲拔苦與樂則勅諸大苦

菩薩隨佛眉間白光所照神通
天眼所視之象同加攝受覆
護救濟極攝使一切眾生共
成佛道而後已是佛其主宰
而菩薩者為之佐使者也猶
中國有君而三公九卿百執

事則行若之令而致之民者
也予嘗翻閱慈悲懺法諸大
菩薩如文殊普賢馬鳴龍樹
寂根慧上藥王藥上妙音妙
德寶月光獅子幡獅子作
金剛慧棄陰蓋虛空藏金剛

藏常精進不休息越三界獅子
游戲獅子奮迅堅勇精進
常不離世薩陀波喻三邊身
觀世音皆佛所勅使眾等所
囑累中惟無邊身與觀世音
常澄常現而觀世尤為闡聲

濟苦楞嚴經云昔無數恆河
沙劫有佛出世名觀世音是
觀世音久已成佛號第其深
心主於大慈大悲弘誓期於
救苦救難故觀音名遍十方
界十方界尤所歸依而今補

陀洛伽山為善財第二十八參
觀自在菩薩與諸天神王說
法要也余今定海則見東自
弗于逮西自瞿耶尼南自閻
浮提北自欐訶單越因不歸命
此山其中固有真心正念起

般重心不放逸心安住心樂
善心度一切心覆護一切心
等諸佛心稱為善知識而其
無明覆慧煩惱覆心眼貪色
耳貪聲鼻貪香舌貪味身
貪細滑一念起六十二見一

念行四十種惡一念開八萬四
千塵勞門如是等眾什豈寧
九是宜游於三十二萬里阿
鼻獄中為牛頭阿傍銅狗鐵
蟒之所楚毒而欲以希大士
親為說法授與七寶石如梵

僧希大龜負舟金色愧曜現
滿月相珠瓔燦然出自巖洞
如王舜封希親覩紫金自在
相朗然坐石上如黃龜年希
金色照曜眉目瞭然雙齒皓
白如程休甫史浩希大士金

現淡煙披拂猶隔碧紗精神
顧眄如將不語如花大尉子希
潮音洞候現光明左則月蓋
長者與童子並立一僧居右
獅子盤旋兩目如電善財巖
童子再現黛眉粉面寶蓋珠

鬘髮森列于前旁現一塔晶彩
渙散如胡偉希禱兩洞中大
士并童子喜悅出迎如頽頽
仲希謁洞杳然張弓引矢射
洞而回及登海舟蓮花滿洋
驚喜悔謝徐見白衣大士并

童子像如哈刺歹希相好仿
佛在洞壁次至善財洞童子
候忽現頂上瑞靄中大士再
見寶冠瓔珞手執楊枝碧玻
瓈椀護法大神翊衛其前如
張遂山希白衣現相瓔珞被

體童子螺髻素肤合掌如生
再叩再現如曹立希大士現
思地獄苦相辰巳時現開長
眼面帶煩惱午時現紫色身
滿洞面壁酉時善財巖外見
白衣金冠菩薩坐在紅日中

韋馱天日下立羅漢海內步
雲而來如智源憶無有是爰
昔城東老母與佛同生俱在
一爰而不見佛波旬懷惡生
陷地獄龍闍說法便得悟道
當知隨爰是心随心是佛心

多無佛何爰見佛只在心
不著有無佛只在心不落方
所經云菩薩善應諸方所蓋
眾生信心之所向即菩薩應
身之所在猶掘井見泉然泉
無不在我願善念識鑄金剛

性發菩提心樹道場幡擊甘
露鼓秉智慧弓執堅固矢被
忍辱鎧礪精進斧自然成就
阿耨多羅三藐三菩提何必
補陀又何必不補陀
萬曆己丑孟冬日

文林郎 知定海縣事 清源
汪應泰 撰




跋補陀志後

補陀洛伽山者即梅岑山也以梵語得今名佛書所謂海岸孤絕處乃大士現化說法之所至唐而始傳其事至宋而始顯其名地當巨浸之中山極崦嵫之勝所謂真如之境舊有小傳及名人詩賦歷宋

文林

梅岑山



元兵燹之餘悉無遺燼矣迨我
皇明香火益盛近以王直之亂慮其
為盜藪也官為赫之山靈不燬勝
跡可尋好事僧勉而復之才什之
一二舊典無復存矣及

督府金山侯公鎮浙樓船東下島
嶼遙臨慈航所經神奇徧錄訪土

著之者英收塵湮之瑞蹟得詩文
若干篇綴而為補陀志嗚呼天花
墜席龍女聽經雖不覩曩時之盛
而鸚鵡飛翔白衣隱現猶獲傳千
載之靈自非道合禪宗神遊妙境
志如來而凌覺海者焉能隱求象
外傳教未來也哉偶獲是觀如張

法眼雖不與莊巖一覩其敢付之
無言謹頓首附于篇末

萬曆己丑春定海縣儒學教諭括
雲晚生王一邵頓首拜書



